

# Tawan puncak Gunung Kerinci

Ekspedisi selama dua hari itu tempuh pelbagai cabaran  
SINAR HARIAN 13 JUN 2015 (MARAN) M/S 41



Sebahagian peserta yang tiba seawal jam 7 pagi di puncak gunung berapi tertinggi di Indonesia itu.

JAMBI, INDONESIA - Kumpulan pendaki pengamal media Pahang berjaya menawar puncak Gunung Berapi Kerinci pada ketinggian 3,805 meter dari aras laut selepas se-puluh jam mendaki.

Ekspedisi 26 peserta selama dua hari itu menempuh pelbagai cabaran terutama ketika melakukan 'summit attack' hampir dua jam melalui trek berbatu tajam dengan kecerunan 70 darjah sebelum menikmati pemandangan matahari terbit yang memukau di puncak gunung berapi tertinggi di negara Garuda Pancasila.

Selain wartawan dan juru foto, ekspedisi turut disertai wakil Mahkota Amal Istana Sultan Abdul Aziz, Jabatan Bomba dan Penyelamat Pahang, Agensi Pengawalkuasa Maritim Malaysia (Maritim), Universiti Malaysia Pahang (UMP), Majlis Ugama Islam dan Adat Resam Melayu Pahang (Muip), Pejabat Parlimen Paya Besar dan Penerangan Pahang.

Presiden Kelab Media Pahang (KMP), Datuk Nik Naizi Husin berkata, ekspedisi tersebut merupakan kesinambungan misi menawar puncak Gunung Fasipan, Vietnam pada tahun lepas bagi mengukuhkan hubungan antara pengamal media melalui aktiviti sukan laskar.

Menurutnya, ia bersesuaian

Wakil Mahkota Amal Istana Abdul Aziz dan sebahagian media yang berjaya tiba di puncak Kerinci.



Rahim bersama wakil Mahkota Amal Istana Abdul Aziz berjaya tiba di puncak Gunung Kerinci.



an dengan budaya kerja media yang memerlukan ketahan fizikal dan mental serta semangat sepasukan tinggi tanpa mengira masa serta tenaga.

"Terlalu banyak perkara dipelajari daripada aktiviti mendaki gunung untuk dimanfaatkan dalam kehidupan pengamal media bagi menyesuaikan diri dengan apa jua situasi di sekeliling."

"Tahniah kepada semua peserta kerana menamatkan misi dengan baik selepas mengharungi pelbagai dugaan dan cabaran," katanya.

Peserta ekspedisi turut melakukan aktiviti skuba di Pulau Pagang dan menyerahkan sumbangan kemanusiaan kepada anak mangsa gempa bumi di Madrasah Tsanawiyah Swasta di Padang.

Penolong Pengurus Besar Yayasan Istana Abdul Aziz, Rahim Othman berkata, pendakian di Kerinci berbeza memandangkan ia adalah gunung berapi aktif dengan trek hutan dingin, berbatu tajam dan suhu mencecah lapan darjah selsius serta mempunyai kepulan asap belerang panas di puncak.